

兩浙輶軒錄補遺

兩浙輜軒錄補遺卷九目

方外

德立 溥映 淨挺 純一 心印

本月 了鼎 大善 宏覺 彬遠

德森 山曉 本晝 戒顯 際源

明方 實賢 大寧 義果 智一

原志 濟斐 隆樹 方璿 德玢

振愚 超明 明鑑 期懷 實智

大璵 通賢 序燈 明奇 成鑑

湛谷 實然 聖潛 照心 元潤

際能 棲霞 觀樹 明義 靈苗

濟翠 寂進 寂證 超證 際徹

乘戒 學讓 際一 成脩 貝本恒

施錫昌 陳仁恩 徐又孺 梅觀復 朱敏求

陳嘉宣 翟翥縠 劉宗玉 繆鶴鳴 沈仁安

兩浙輜軒錄補遺卷九

德立

字鶴臞樂清人
著藕華園詩

過蒼潛兄精舍

一菴溪曲處向水竹門低橋斷人家隔花深釣艇迷鳩鳴春
雨後犬吠夕陽西羨爾長無事新詩滿壁題

龍湫歌

雁蕩山水何奇哉令人一見輕天台絕壁去天不盈握龍湫
直出誰推排眼前忽暗千峯雨耳畔新聾萬壑雷霹靂聲中
碧雲裂空濛影裏白虹來撞石摧山地維坼傾珠倒玉天倉
開黃河古今有清濁江湖朝夕有往迴此湫終古流不息疑
是無根銀漢空中頽寒光萬丈常垂地星辰閃爍盪其裏六
月漫空飄雪花州以溫名何代始憶昔詎邠逞神異遍歷名

山此遊最手書崖石鑿青空萬古濛濛在烟靄

溥映

字朗澗石門崇福寺僧著繁花草

國

汪嘉穀曰聖公明季青宿有詩名入朝始入崇福寺爲僧康熙壬子公年已八十矣乃裒其舊作得若干首顏鼎受序之

謂如遶海鶴音空山人跡云

玉溪菴

日見征帆影往來溪上斜旅亭三面水漁艇一村花路斷松篁寺籬圍桑柘家仙源無可覓心會便非遐

募菊次韻

西日餘光逗此身東籬何可負芳辰自來佛地宜寒友忽在君家過故人荒院猶存三迳待蕭齋倘許一枝親病顏祇爲黃花瘦飄鉢空空不是貧

老梅

四十餘年手植來新花每向舊枝開只今枝在白雲內花是

白雲雲是梅

淨挺

字俱亭仁和人著雲溪近稿

錢塘縣志俱亭俗姓徐名繼恩字世臣性至孝嘗因父病割股中明崇禎壬午副車

厲鶚曰世臣著名後社後爲僧西溪雲溪菴其所勸也

西溪道中贈懶耕上人

秦亭高望兩峯齊十里寒光壓短溪青嶂半開紅樹影霜橋一帶白雲迷僧行古渡遮鴻跡客語空齋雜鳥啼相對渾忘

時早暮隔林遙指夕陽西

純一

字敏修海寧朱氏子住硤石惠力寺著補拙詩存

觀趙文敏書巴陵女子韓希孟殉節詩拓本

岳州有女知大節心似冰壺骨似鐵元兵夜襲破巴陵絕命

詞成書嚙血自云妾本尚書婦肯教白壁污瑩潔東南已無
乾淨土甘赴江流飽魚鼈馮夷震駭河伯驚倒流逆送完軀
出亂離誰復表芳貞夢中特乞王孫筆吁嗟乎王孫真蹟半
模糊此本流傳世所無國亡不見能完節愧作鬚眉一丈夫

心印

字櫻村
每寧僧

送張居士權六之任烏程

故人舟楫別禪關且共離尊月一彎每惜花時長水隔更愁
君去兩峯閒自天詔許開風雅當暑若遊好往還霜候定應
招野衲羨他官舍靜于山

本月

字照安
寧波僧

次荅瞿庵大師見寄

特旨宣雷駐帝京舊交自爾隔孤城門連省掖車塵影地遠

山夜雨聲鳴鶴幾聞增別怨驛梅初寄慰離情幽期倘遂林
泉請共賦歸來白雪盟

了鼎

號霞章
臨海人

憶徒德彥之武林

越水隔吳山蒹葭露一灣扁舟從此去雙屐共誰攀鶴放明
湖靜猿呼古洞閒遙知藤笈裏遊草溢難刪

大善

字心宗號虛閑錢塘
人住西溪俗姓魏

北峰起雲

峰頂白雲起雲起峰巒乍疑半嶺雪翻作滿山潮影漏日
光澹氣蒸天漢遙夜飛溪上宿零雨濕芭蕉

宏覺

字夢破仁和
人有蝶巷集

寄劉喜符下第

得失於今易地觀
吾將斗酒賀劉安
碧翁能解幽人意
放爾歸來理釣竿

彬遠

字秋蟾號嘯翁永嘉人

讀徐孝直先生詩集次韻賦贈

共向東林訪舊朋
茫茫塵世逐飛蠅
一春梅事偏多雪
二月河流已斷冰
雨暗金笳空北渚
風高鐵笛滿西陵
忍將詞賦添憔悴
身似湘纍在碧澄

德森

號卓山太平人住黃巖九峯寺

澄靈寺野望

極目蒼茫影澄江
浪漸消松吟萬籟
寂雲淡半峯遙
澗水落花落岩藤
帶雨飄徘徊忘日
暮何處問漁樵

燕窩樓和僊子題壁韻

赤霞城裏神僊客曾與寒山扁石壁今朝破壁更登樓千山
一醉添顏色

山曉

杭州僧

南溪雜興

野風吹歷歷兀坐意能通澗響松濤急山鳴夜雨空雲歸樵
路外花落鳥聲中春去知何處啼鵲血正紅

本晝

杭州僧

早春張玉書遊湖上

雲起西湖路吾廬蹴水開故人嫌俗縛雙騎出城來春盡散
微雪鄰家多早梅彈琴徵古調何處可登臺

戒顯

字願雲號晦山住雲林寺有晦山和尚全集

華

日南曰晦山詩入

欽定別裁以爲雲南人靈隱志以爲太倉人然受戒金華應
兩浙輟軒錄補遺

卷九

山曉

本晝 戒顯 際源

四

入浙
選

登黃鶴樓

誰知地老天荒後猶得重登黃鶴樓浮世已隨塵劫換空江
仍入大荒流楚王宮殿銅駝臥唐代仙人鐵笛秋極目蒼茫
渺何處一瓢高掛亂雲頭

際源

字學川俗姓沈秀水人

陳傳經曰學川

世宗憲皇帝

賜紫主席湖郡武康縣報恩寺著有禪餘集

訪放鶴洲

未訪裴公宅先尋放鶴洲竹深苔徑狹雲護草堂幽帆影簷
前落波光檻外浮相看吟不盡欲別尚遲留

遊湖心亭

四面清波繞中央別有天危峯當戶立孤塔隔堤懸柳帶朝
烟媚桃含宿雨妍相看渾不厭竟日好畱連

明方

字石雨住杭城報國院爲開山說法

吳本泰西溪梵隱志石雨師嘉禾陳氏子雲門散木和尚以斷拂子付師自稱斷拂子居寶壽開荒鑿土得石函舍利乃薰禪師瘞所也先有嚴居士疏云五百年前石田忌辰正與師誕同其爲再來無疑

九曲嶺

一歌登一曲汗漫不爲遙逼面雲連石過頭杖沒腰竹疏生
就懶松老養成驕鎖得溪聲住泉流不可招

實賢

字思齋號省菴杭州鳳山梵天講寺僧

贈東阿居士

高蹈謝時輩翛然遠市寰分泉聊灌蔣補畫當看山有愛皆
成癖無求始自閒不須隨物轉當處悟無還

兩浙輟軒錄補遺

卷九

明方

實賢

大寧

義果

五

將赴浙中畱別朔方居士

遠公社裏舊遺民
世外相逢說往因
千里關山兩芒屨
半瓢風月一閒身
扁舟細雨孤燈夜
殘雪寒梅古寺春
準擬明年修白社
與君同作種蓮人

大寧

字石湖錢唐人

寄胡柏菴

時有渡江夢孤懷
歷歲深澹雲歸鳥
意春樹野人心岸
草青圍屋山花紅
滿林向來幽賞地
何日約重尋

義果

字巨濤住雲林寺有煒草行人集

雲護齋詩話巨公侍雲林諱公執役九年無怠容師命
參三不是問不是心不是佛不是物是甚麼語未竟師
打一竹篋因有省卽呈偈云一擊敲開海底天塵塵刹
盡歸源當揚拈出無私句鐵馬嘶風躍九淵刹師領之
施受付囑斷席雲林

早春過邗上遊平山

東風冰初泮輕帆渡江水爲愛平山遊杖筇閒來此悠然爽
籟生漸入翠微裏怪松蟠龍鱗老梅破香蕊殿角拂烟雲丹
臺遠塵滓落日垂西岡層巒列屏几淹留心目清欲歸情未
已暝色催行人疎林鐘忽起曠然有遐思支筇重徙倚

智一

字苾芻住
秋雪菴

華日南曰吳本泰西溪
梵隱志苾芻爲後序

秋雪自題

秋窗底事雪彌漫風颭蘆花起釣灘點點定僧衣似濕飄飄
漁火笠疑寒遠籠竹浪烟凝翠澹抹楓林葉尚丹忽聽小舸
歌欸乃西巖彷彿認晴巒

原志

字碩撰住雲林
寺有借巢詩集

王澤宏塔銘言師手刃父仇乃還鄉告祭墳墓邵置其母與弟得所至通州佛陀寺祝髮

州李南枝秋日同佟鍾山見訪

經旬雨未休阻我碧山遊擁褐過今夕思君從去秋泉穿谿石瘦雲護草堂幽雙壁不常見吾將老一邱

濟斐

字月用仁和人住佛石寺有蝶菴集

吳灝曰武林江氏名浩字道開自成童時爲郡守林鳳林所知拔置第一試輒冠軍庚午遊郡西顧其山水而樂之遂誅茅架屋構圖書住居焉題曰蝶菴

華日南曰蝶菴詩入諸草廬先生浙詩選號夢破名宏覺與此迥異而其俗姓江名浩又同恐此係草廬之誤
聞孝直西溪築隱居

臥房堦下插漁竿此事平生慕樂天寄語鄒郎好圖畫一篇秋水看君箋

過孝直河渚草堂

世本人情已飽諳吾儕只合俯清湍不求甚解讀書樂亦復
佳哉與物安蘆葉汀中橫釣艇梅花樹下置蒲團興來高咏
何人句摩詰淵明陸務觀

隆樹

字樾堂錢塘人淨慈寺僧有懷墅近草

雲護齋詩話樾堂胡氏子投南屏瑜老人脫白

雨後湖樓晚眺

極目湖隄外烟開鏡面平雨餘蓮葉淨風淡樹聲輕坐久襟
裾爽吟成夕照明卽斯堪小隱何必問蓬瀛

中秋後一日同人夜泛

愛此湖中月輕橈挈伴游清光涵碧宇涼色淨高秋梵磬穿
林出菱歌逐水流夜分情轉劇風露十分幽

方璿

字睿石松江人住雲林寺有旅菴冷泉嚴江等草

雨折猶軒錄補遺

卷九

隆樹

方璿

德珍

振愚

七

過選佛場

招提來訪不辭遙行盡松杉過板橋新燕向人尋舊壘老僧
畱客話前朝綠迷曲徑環池柳紅映疏籬隔岸桃此地悠然
真可羨何時高臥聽江潮

德玢

字玉山雲
林寺僧

秋日過米山堂與胡循蜚話舊畱宿

屋裏青山晚池邊紅葉秋主閒方對鶴人到不驚鷗傳茗當
良夜挑燈話昔愁茫茫湖海上誰是泛虛舟

宿村落

城市那有此桐陰開竹扉閑庭石苔厚僻徑野花肥蟬噪隨
風落鴉歸帶月飛偶同村叟話一坐釣魚磯

振愚

字拙菴號半
溪海寧僧

華日南曰拙庵詩畫書法爲陳匏廬程午橋盧雅雨諸前輩所稱許住揚州石塔寺遂卒著有半溪詩草

過雲樓蘭若

一路盡松竹到門絕點塵
草花香怯雨山鳥語欺人
仙梵送清切道情無故新
何由釋煩累來此寄吟身

初夏卽事

淨綠欲滿寺鳴禽時變聲
豆花綠架落苔草上牆生
雲去心俱遠風來夢亦清
閉門轉幽寂喜得在山情

春日雜興

門掩殘春樂事稀
鉤簾人靜燕雙歸
夜來幾陣東風急
零落桃花滿地飛

超明

號松圃太平人著松濤吟巾峯三嘯集

漫興

蒲團定起茗初香
簾捲清風夜未央
松頂一痕山月冷
流螢幾點逗虛廊

江頭吟

滾滾洪濤出海東
蕭蕭黃葉舞晴空
道人不是湘江客
一任蘆花怨晚風

明鑑

號漢峯太平人著韋羌集

贈友人

羨爾高才類皎然
卜居深愛草堂偏
笑揮木馬風前遁
夢嚼泥牛月下旋
拽杖已過三竺徑
鳴琴曾泛五湖船
近來面壁知稀少
花落鶯啼黯暮煙

期懷

號拙菴海鹽僧

華正自號曰期懷母命氏懷期年而生故名住五磊山有語錄四卷

次益城姚中丞見寄韻

好鳥一聲啼午樹閒雲幾片落閒庭寥寥獨坐無餘事門掩
青山白晝深

實智

字心如海鹽石門
寺僧著閒齋詩草

吳東發曰心如初不知書後因坐禪
心光迸露自是遂大通內典兼能詩

題天台拜經臺

智者當年禮石臺九旬講法觀門開香雲不假人間散花雨
時從天上來佛塔鎮安塵劫盡龍潭清鑑古今該忽然海月
橫空起照出山山如浪堆

六瓊

仁和人住雲棲寺
有石公新舊稿

吳潛曰石公
姓顧名若羣

從古法師曲水菴至一公秋雪菴

鷓鴣一鳴百草死芙蓉獨泣江上水更有蒹葭似秋雪湖西
山淺孤光起遠公結社廬山岑永公怡號東西林丁丁蓮漏
滴香冷我來折角閒招尋門前湖水鴨頭綠三畝之宮百千
曲斜陽釣艇拾蘭芽彎堤斷埂遙相屬

通賢

字聖允杭州人雲林寺僧

渡海

一身天地外萬里盡洪濤巨艦雙帆疾中流四面高洪雷奔
白日亂雪捲金鼇覩此滔滔者浮生毋乃勞

序燈

字爽是杭州人有肅隱偶吟錄

九日吳山讌集值雨次韻

吟懷未許老重陽霜雪無端入鬢長幾度白衣虛令節致疑
黃菊是孤芳野心一片湖雲外灝氣三秋海日傍山閣若逢

閻伯嶼方君詩思敵王郎

明奇

字具加
杭州僧

村齋次孫先生可堂韻

爭道書巢莎里東眼前佳趣孰能同
兩三枝柳輕煙暮四五條橋曲水通
閒愛清樽依菊影幾攜吟屐入花叢
隴頭有意傳消息梅蘂先春破小紅

成鑑

字太圓號秋
泉潮鳴寺僧

奉贈堇浦先生

謝絕高軒過閒居小巷幽頻添爭奕興全沒罷官愁
酒不因僧戒詩還選客酬惟餘懶殘輩心跡恰相投

湛谷

字靈源
錢塘人

漫興次荅堇浦先生

兩浙輜軒錄補遺

卷九

明奇
實然

成鑑
聖賢

湛谷

細雨斜風逐釣輪輕寒四月尚餘春時交選佛期仙輩羞伍
尋章摘句人鐵聚九州空鑄錯書藏萬卷未全貧誰言遇閨
黃楊厄已過階前柏樹身

四時吹嬾任風輪閉戶閒消若下春色卽是空空是色人非
磨墨磨人蟲生茶蓼原甘苦花落金錢足傲貧爲釋爲儒
無不可莫疑老去會分身

實然

字融庵自號芋村嬾夫秀才
人住普明寺著有禪餘草

汪嘉穀曰融公居長水庵與諸草廬宮贊張瓜田徵君
最友善宮贊嘗稱其詩能通禪理後出主普明半載示
寂詩爲俗
僧毀去

題竹示雪谷

勁節寒能耐清標暑不侵欲成金玉韻猶在解虛心

聖潛

字師林號浮山雲林寺僧有
藥香詩草俗姓陸平湖人

晚步松風臺同無菴作

薄暮隨休公登臺禮古塔碑荒字微茫樹老風颯沓不見教

海龍

大慧稱爲
教海老龍

惟聞棲禪鵠瞻依榛莽間林黑凍雲合

照心

號空印寧海
人著白巖集

贈霞岳老宿

久羨高人跡幽棲得自由猿啼千嶂夕木落半亭秋洗鉢香
盈袖談經月滿樓俗塵終不染詩句日優游

過海峯與友人話舊

相憶十餘載今來叩竹扉煙消青嶂出雨足綠荷肥龍象周
迴集天花繚亂飛坐談忘世事鐘磬遠微微

元潤

字濟南臨海人
著摩松堂詩集

仲夏宿東山寺

兩浙輜軒錄補遺

卷九

照心
夏

元潤
際能

龍

士

傍晚投山寺飛花點客衣斷雲流石磴靈月逗松扉絕頂風
煙沒他鄉夢寐稀林高溽暑少此地可忘歸

漫興

寄跡巖阿草徑微篆煙一縷世情違但教湖海逢迎少不厭
山林伴侶稀谷口經春茶筴長洞門積雨藥苗肥好風何處
來花信燕雀輕斜柳絮飛

際能

字渭村秀水東禪寺
僧有磨杵齋詩草

秋日偕汪雪谷集西竺軒話舊

招尋却趁早秋天勝地重經憶昔年蔬引牛唇廚饌潔茶煎
蟹眼水紋圓黃蠶作面君休笑青草如袍我亦憐巷口斜陽
紅未沒者番須著祖生鞭

時雪谷
將赴試

棲霞

太平丹
崖僧

竹塢

蘭若藏幽處談空幾度來
簪冠穿綠徑芒屨印蒼苔
展坐蒲三尺清神茗一杯
涼軒無酷暑真得好懷開

觀樹

桐鄉僧

惠雲雙塔

鳥背斜陽立凌烟啄薜蘿
雲陰聯共影河漢挿雙峯
暗響疑神語空香拂梵宮
當年藏舍利光射斗牛中

明義

字佛日號聊閣住理安寺

雲公洗硯圖

天開地闢一西湖付作雲公洗硯圖
只恐春烟春霧惹惱人越洗越模糊

靈苗

字培風杭州人住天竺

赤鼻歌

我生難比冠玉佗
胼胝先具誰規摩
春風屈指已四十
舅根未壞朱顏酡
相從心起我心白
相從心滅我心赤
素容素質乃天真
何乃年年傷落魄
或言甘酒肺家風
世人皆醉將無同
或云坐久生虛火
達摩九載如何坐
我觀百物根先枯
大木揭然爲灰芻
不然渥丹將謂何
病根合在山之阿

濟萃

字奕山雲林寺僧

冷泉亭

滴瀝辭雲竇泓澄北礪陰
亭餘玉局墨記載樂天吟影浸松杉
古光回殿閣沉軒車
如到此六月已寒心

寂進

餘杭徑山僧

題王周璽石林茅屋

幾許崎嶇石橫空直似山松杉行布列苔蘚色爛斑缺處誅
茅補閒門帶月關此回真得意夢不到人間

寂證

字焰雲雲
林寺僧

雪夜

雨雪連三日空山布衲單澗邊泉響咽天外雁聲寒不寐更
偏永懷歸歲又殘天涯多寂寞隨我只蒲團

超證

號完履黃巖人住仙居方岩與上座
魯珍以詩唱和著有燕翼軒詩集

山居漫興

結宇樂深山山靈亦許可雲霞竹外生日月簷前墮澗水鳴
琤琮巖花爭婀娜懷人道每遙涉世事恒左獨坐靜披襟忘
機無物我

春日山行

萬山稠疊百花明
鳥語溪聲爽客情
更有白雲看不厭
幻成蒼狗嶺頭橫

際微
字袍清嘉興白蓮寺僧

春雨和金際和上舍韻

乍舒霽色復鳴雷
憑眺瓶山又一回
水漲裴公調鶴島
雲沉顧況讀書臺
濠梁輪轡喧還寂
蹊逕梅梨落更開
長羨高齋時話雨
關心風雅未全灰

乘戒
字炳乾號拙頭陀嘉興人嘉興白蓮寺僧

春雨和金醉墨上舍韻

丁東聲不斷茅檐萬物還
須膏澤霑米氏畫圖分大小
孟家詩句絕廉纖
浩然集中無春雨詩
梨花濯處溶如月
草色經時青入簾
他日晴開憑眺遠
高峯文筆露尖尖

學讓

字月樵南海東樞樂庵僧著有后谷詩集

雨後

竹窻新雨後衣袂集涼颺愛靜嘗疎客閒行每得詩游魚翻
荇葉倦鳥踏松枝持鉢僧歸候吟蟬欲歇時

閒詠

年來深覺事紛紜覓得茆菴遠俗氛有水儘堪涵夜月無衣
剩欲剪秋雲生風慣淪廬仝茗裊篆時焚荀令薰冷笑昌黎
無傲骨安貧還作送窮文

習觀

二十年來等霧羶根塵着力共推排從教樹倒藤枯後到處
青山骨可埋

登鷲鼻嶠

孤巒下瞰咽江潮怪石谿衍似沃焦隔岸有山飛不到白雲
天際作浮橋

際一

字淳牧號雪樵海鹽人嘉興
南院僧著有田衣生詩鈔

客中寄懷王山人槐堂

記從燈火裏送我上船時回首望雲樹因之感別離春風去
日遠客夢到家遲異地仍無賴懷人獨詠詩

揚州

跨鶴尋繹引興高來尋舊跡不辭勞關心鼓吹腸空斷過眼
繁華首獨搔千載春風隋苑柳二分明月廣陵濤流螢往事
如相問豈舫

夏柳和金際和尚韻

王郎老去髭垂絲芳草斜陽舊繫思霜露未零憐婀娜別離

重見惜驅馳溪橋拂拂招涼候池館悄悄望雨時怪殺一陰生以後風前已減幾分姿

成修

字模菴嘉興香海庵僧著有達意齋詩文集十四卷

秋夜卽事

新秋雨霽後閒眺倚柴門童子垂頭睡寒蟬恣口喧亂螢飛亂草孤棹泊孤村靜裏無窮趣怵人勿與言

見月如遜敏二徒賦新秋詩卽次其韻

又見桐飄葉衰翁笑口開涼風吹戶牖清露滴莓苔大火看流去嘉禾待熟來莫輕拋羽扇殘暑尚遷徊

貝本恒

餘杭洞霄宮道士

遊大滌洞天

沿溪傍谷尋幽去同訪棲真謁洞天瀑布白拖秋水遠層巒

兩浙輶軒錄補遺

卷九

成修

貝本恒

施錫昌

圭

青與暮霞連千村穠穠黃初熟一徑玲瓏碧自穿宮觀欲頽
歎匪情敢期重爲闢荒烟

施錫昌

字旅岩

吳山九日宴集值雨感賦次方漢水韻

雨中菊放趁重陽詩興無如此日長滿座豪吟思往事幾人
秋思對寒芳髮羞露白冠先側眼喜靨青山更蒼且醉茱萸
酬令節漫歌巴曲和仙郎

陳仁恩

餘杭洞霄宮道士

和陳觀察兩遊洞霄宮詩韻

懷古尋幽徑偕賓詢舊宮尊賢瞻宋蹟俟老念朱公踈雨滋
林景微霜醉葉紅文從天造得浩氣滿空濛

徐又孺

字吉臣號葵亭吳山元妙觀道士著有葵亭詩稿

冬日山齋偕同人分韻

誰道忘心心便空高吟爭似養屯蒙幽樓未遠緇塵迹清課
惟看野菊叢子午泉西新月白癸辛街北夕陽紅草窻雪爍
猶相對喜得羣賢尚古風

元妙觀小遊仙詩

八仙樓畔綠雲稀樓上群仙日日遊拍掌忽逢青鳥使傳來
瑤島桂花秋

九色元龍五色獅風廻八景碧空馳會真閣上羣仙聚招我
游仙正此時

梅觀復

吳山元妙觀
迎真院道士

華日南曰觀復

國初爲郡都郡紀補五雷法呼梅爛頭至今人多道之

上清宮雷壇春望

春風催早起雷嶺獨登時浩浩春如海深深柳弄絲
層峰雲歷亂隱樹殿參差長嘯招仙子飛來野鶴遲

朱敏求

字古堂吳興城隍廟道士

乙未秋上清送舍山還錢塘

飄泊西江五十年送君偏是早秋天仙巖有路同登訪鬼谷
無門共勉旃新雁一聲紅蓼外歸人千里白蘋邊男兒立志
祛塵障莫使芭蕉鎖冷烟

陳嘉宣

字戴墨吳山重陽菴道士

山居

黃木爲冠葛作衣澹然無欲是元機茂林深處人來少獨掩
柴門坐翠微

臨終偈子

虛無自然安吾素潔治宮庭如六腑五十八年已過師朝聞
夕可亦何怖

翟翥緱

字太音吳山重陽菴道士

山樓晚晴

溪邊纔雨過薄暮興何長小徑侵流水高峯挂夕陽江明帆
影亂夕霽竹聲涼更有情怡處穿霞雁幾行

夏宿開元寺

禪院臨江渚蕭然出上方月明山寺迴風送海潮涼梵響來
空壑鐘聲破夕陽庭前松栢老夜靜獨聞香

劉宗玉

吳山中興觀道士

華日南曰宗玉精六壬曾賣卜吳山詔古玄悉駭有劉半仙之稱

湖上春興

今朝恰逢上巳又來湖舫高譟彷彿蘭亭景象不開口笑如
何

繆鶴鳴

德清道士

華日南曰鶴鳴嘗入上清宮習五雷法
飲酒至一石不醉後入天目不知所終

除夕

年華荏苒又殘冬雲水爲家事事慵酒債雖無詩債逼俗情
漸澹道情濃霜天一字還鄉鴈烟寺三聲報曉鐘問我金丹
真口訣菴前笑指歲寒松

沈仁安

字純一號雙橋石門人吳山文昌廟道士

城隍廟志仁安自幼聰敏超然有出塵志遂至吳山清
秀房受業于王克新讀書穎悟間爲韻語輒工尤善鼓

琴

翠華

幸浙仁安跪迎嘉禾水次因倩朱笠亭爲圖如沈歸愚

傳玉篋錢香樹齊息
園諸公皆題詩紀之

自題采芝圖

彈琴鎮日坐空山
雲自忙時心自閒
却笑靈芝何處覓
芒鞋踏破不知還

兩浙輶軒錄補遺

卷九

兩浙輶軒錄補遺卷九終

兩浙輶軒錄補遺卷十日錄

彭孫塋 葛宜 錢鳳綸 徐德音 俞浚

邵 鼐 徐義和 顧 玘 王元禮 徐爾芳

沈咏南 顧長任 王靜淑 柴貞儀 楊守儉

楊守範 牟 氏 陳 氏 陸若松 莊淑人

丁文燾 湯 朝 倪仁吉 楊克恭 楊 芬

葉素娘 沈淑孫 沈 佩 王安寧 李 氏

宋 氏 齊 氏 邵斯貞 潘楚碧 吳 淑

徐宜人 馮 氏 倪 氏 卓 璨 孫文嫻

費孺人 查安人 朱如玉 董 琴 陸 全

吳 氏 許學蘊 顧瑤華 陳 德 黃 珮

孫又青 朱衣珍 孫蘊雪 裘容貞 陸 氏

沈金	柴源	孫煥英	余蘭素	袁杵
金氏	袁常	袁杰	徐葉昭	俞韜玉
查淑慎	孫廷楷	沈貞	孫廷鳳	金氏
徐瑩	程芬	周志蕙	顏芳在	顏宛在
茅紉蘭	沈蘭	沈文媛	查萊	汪汝蘭
邵文媛	邵英媛	張氏	徐錦	李如秀
黃峻	金蓉	李芷	王範	金氏
吳氏				

兩浙輜軒錄補遺卷十

彭孫瑩

字信芳海鹽人諸生徐復貞室著碧筠軒詩草

聞陳姊歸信

別後經時塞草秋接來尺素慰離憂客途風雪侵雙鬢遙望鄉雲雨地愁

夏日病起

午睡拋書帙閒庭病起時蟬聲催夢斷花影傍簾移驟雨荷香發微風蕙氣吹晚看煙景媚落照更相宜

秋懷

中庭風露正淒涼良夜無眠恨轉長蕉鹿已成三載夢菰蒲不耐九秋霜每逢佳景思知己聊展殘編悟法藏何日向平婚嫁畢天邊矯首白雲鄉

庚申春日送義門弟婦朱孺人北上泊舟閩門歸途遇

風雨夜宿吳江

歸途風雨正堪嗟
濁酒村酤未可賒
楓岸春波隨徑折
虹橋夕漲趁風斜
孤舟小住依漁火
殘漏頻催咽戍笳
惆悵客帆何處有
相看岐路各天涯

葛

宜

字南有海寧人朱爾邁室著玉窗遺稿二卷

陳傳經曰閩南有夢中得蕭蕭木葉送殘秋句知爲不祥未幾卒遺稿女史李因序而刻之

送日觀遊蜀

蠶叢天地險
劒閣古今愁
揮手從茲別
難爲芳草秋
猿啼三峽樹
月挂九江流
不盡憑高目
西風獨倚樓

錢鳳綸

字雲儀錢塘人黃式序室

華日南曰雲儀與顧榮姬柴季嫺林亞清馮又令張槎雲毛安芳號蕉園七子見名媛繡絨

關山月

驚鳥啞啞啼不休征夫遠戍關山頭尺書頻年秋復秋深閨
好女背人愁涼蟾夜色當高樓霏雲溼露空悠悠玉兔半昏
冷湘簾銅籠小咽淒更籌天河明滅橫斗牛飛激冰輪使倒
流繽紛桂葉枝幽蚪多結子花何處求卻憶城南安石榴

美人梳頭歌

新林一聲啼綠鳥三十六宮春欲曉牀上轆轤牽素綆秋水
溶溶鏡光冷漸看紅日卷珠簾雙彎卻月眉纖纖玉鳳斜飛
鞦金蟬珮環搖搖曳湘煙下階獨自摘芳藥櫻桃笑儂不結
子

輓安芳

粉香零落冷衣篝架上殘書散不收明月未知人事改清宵

依舊照妝樓

徐德音

字淑則總漕旭齡女中書許迎年室有徐淨軒詩集

名媛繡絨淥淨少時嘗飾男子裝對客衣上墨審斑駁清獻公絕愛憐之且謂生男如是當不誤改金根

出塞

六奇枉說漢謀臣後此和戎是婦人能使邊庭無牧馬蛾眉也合畫麒麟

三月望日樓居火後示大兒佩璜

高樓一炬委荒蕪補屋何從更賣珠釀酒已無田種秫打門猶有吏催租晝操薪桂湄拈筆夜對缸花學辟廬盡付鬱收無長物舟居陸處總艱虞

白紵歌

羲和六轡迴蒼龍長紅小白粉作叢纖枝綽約隨流風翩翩

冶態如驚鴻一寸眉峰暈春碧酒潮欲上蓮願赤熱心擬化
百枝燈長倚君王照瑤席

俞

浚字安平仁和人諸生鄭景

華日南曰安平居臨平鎮父工計然術富而無後中遭家難故多哀怨之音及并歸鄭日相倡和甚得兼工小詞

烏夜啼

城上烏終朝啞啞啼高梧高梧一夕經霜死老烏含血還哺
雛十載劬勞恩不薄流離夜半聲何惡落月驚風迷故巢南
飛三匝空悲號

烏相歌同慕韓作

北風蕭蕭寒氣烈時序變遷逢小雪園亭澹慘日沈煙紅樹
滿山葉齊脫門外竹梢啼老烏霜枝零落朽幹枯前村後村

收和子老烏剝啄何爲爾

邵

雍

字梅英
仁和人

祝仲嫂毛夫人四十

小築幽清樂事偏
唱隨朝夕咏詩篇
事親遠過男兒孝
逮下誰如母氏賢
簾外梅花呈秀色
堂中銀燭吐青煙
親交此日爭相賀
環珮珊珊儼若仙

徐義和

仁和人

爲毛安芳姪婦四十

椒酒新盛琥珀光
幾行歌舞在華堂
綠池春暖欣魚出
翠幃風和見鶴翔
映座喬松還獻壽
遶庭玉樹漸生香
詩篇靜好人人誦
倡和樓頭下鳳凰

顧

妣

字紫姬
錢塘人

毛安芳輓歌

憶昔當春時壽君慚不文未幾聞君喪奄忽如流雲流雲過
眼空悲怨大火西流時修變玉樓金屋綢繡蛸西風葉落空
深院淒涼寶瑟掩餘音慘淡菱花冷釵鈿尚憶當年對鏡人
鏡中鸞死悲嬌面織錦詩成那得聞墨池寒浸琉璃片不知
何處弔君魂草白磷青望中見

王元禮

字禮持杭州人
有梅笑軒集

屋漏歌

昨夜茆齋寒凜冽江頭老樹呼風入同雲密密煙霏霏隔岸
漁翁似僵立苦思絲酒解愁顏徧向囊中看羞澀屋荒漏滴
無乾處癡兒頻跳青鞵溼大女如癡小女拙臥啼門東索果
栗怒罵不應反挽肩家貧憐汝安能比九日泥濘一日晴遙

望山林轉蕭瑟

湖上同柴季嫺朱順成

向暮游人絕同君步曲塘有山盡秋色無水不荷香雅調傳
金軫閒情寄筆牀誰言閨閣友相得在詞章

題毛烈婦遺繡

一代幽貞麗管彤鍼神還與薛娘同開奩忽墮思君淚滴向
當年手澤中

贈朱順成子就姻西江

此去洪都遂好迷春江花月送行舟自來佳婦稱難得爲汝
高堂喜不休

徐爾芳

字蘭友
杭州人

白石樞

五月山榴燦似霞，忽經梅雨洗鉛華。
白雲萬點留春色，素纈千重換絳紗。
綃秋乍覩逢石醋，練裙欲妬誤梨花。
折來試共紅葵插，照眼分明粉頰斜。

沈咏南

字俱儀
杭州人

徵詩咏滇南四景

并引

戊辰夏日閒居鹿園書室時花柳參差筆墨在御偶
憶幼時隨先君宦遊京師滇黔所過名山大川指不
勝屈其最勝如銀壺磨盤之山六百里松陰蔽日洞
庭彭蠡之水千萬頃鯨浪滔天至於風花雪月在滇
南尤甲宇內風曰清風驛地無塵人馬飛渡稍遲卽
吹去花曰上官花每朵十二瓣月開一瓣迨冬時爛
漫勝牡丹遇閏月則開十三瓣相傳爲仙人所栽云

若夫點蒼山之雪春夏不消洱海底之月朔望皆圓
倘所稱洞天非邪余年幼白腹空疎未經題載敢拜
文妝或詩或畫惠我珠璣咏南之幸也初不計瓠礫
之妄投焉耳

南游千萬里從小客天涯山絕雲飛騎波橫龍戲植有心貧
看月無計更移花風雪多奇致觴歌乞謝家

顧長任

字重楫
仁和人

湖上遠眺

雨過湖山淨堪描入畫圖浮煙迷遠岫落照映平蕪樹帶南
宮墨山同北苑鋪橫波移釣艇恐失鳥歸途

王靜淑

字玉隱山陰人王遂
東次女著清涼集

秋日菴居

空齋度深夜高臥一牀秋苔老渾無色溪清淺欲流塵隨紅
葉掃心付懶雲收蕭瑟聞征雁空歸萬籟休

柴貞儀

字如光
仁和人

汪嘉穀曰柴貞儀顧長任沈咏
南沈蘭王靜淑王禮持諸家見
國朝名媛詩鈔爲沈歸愚
尚書鑒定今並存之

題雲護菴

欹側茅菴靄霧侵柴門曲徑費幽尋千林繞屋藏山曲衆鳥
歸巢愛竹深嶺月夜窺華燭相松風幻作海潮音禪關不是
仙源隔莫遣桃花護洞陰

楊守儉

字如音海寧人中允中誦女海鹽
淇縣縣丞彭載奕室著靜閣稿

楊秉初曰先中允公歸田後卜居觀鄉築別墅曰楊園
先從祖姑于歸彭氏朝夕省侍詩稟庭訓多清麗之音

春日至南園感懷二絕

曲廊惟有燕雙飛楊柳垂青覆釣磯花信自開還自落芳菲
不待主人歸

藥闌花榭記曾經苔徑荒涼迹已陳草木不知人事改依然
粧點昔時春

送別

離亭衰柳拂征驂珍重臨歧囑再三漫道魂銷銷未盡夜深
和夢到江南

讀史有感

摘瓜抱蔓歸燃萁煮豆泣嗟嗟骨肉間波瀾生呼吸

南園雜感次升卿韵

游倦歸來笑解裝翦燈促坐話行藏愁多雪點安仁鬢客久
金空季子囊得失均忘休問馬去來無定類亡羊可憐不盡

相逢意塞北風煙正渺茫

鴛湖曲十首之四

畫船煙雨迴層樓一里湖光一里愁目斷春城蘇小墓不知
何處弔風流

梅里雲箋起樣新何須空羨薛濤名不知錦帶澄波綠可及
飛花蜀水清

美人遺跡杳難尋學繡里邊春草深惟有荆釵蓬鬢婦枯槁
屏水插秧鍼

畫譜當年說陸家吳娘妙手近無加還村更有如神筆彤管
風流散彩霞

楊守範

字靜閑海寧人兵科存理
女錢塘諸生顧宜曾室

題畫梅

暗香疎影雪霜姿無限春光占一枝景物依然人事異綠窗
非復看花時

牟

氏

黃巖人廣州推官賢女夏潛室

華日南曰牟嘗以醉蟹寄夫附書曰無腸公子待介胃橫行偶爾醺醉如法治之解上風趣可想又聞其少年有文氏與倡和

立秋雷雨初晴與外共限韻

一葉驚秋雨殷雷欲住時寒蛩猶未覺促織已先知翦燭同
清話含毫各逞思微風生夜月雁影落芳池

秋樓遠眺

秋風遲我一登樓檻外山楓錦色稠一片白雲歸雁急半林
黃葉暮蟬收

陳氏

天台人攸縣知縣傅女諸生齊重光室著斷腸集

華日南曰氏爲息園宗伯叔母
卑寡守志其集宗伯爲作序

追悼亡夫

年踰強仕志昂藏忽爾仙游別故鄉
墨帳幾年緇卷軸青衫一領裹文章
參苓潑水身難贖刀尺關心我忍忘
捨地呼天天亦慘遣將風雨送行喪

所天一去若星奔妾淚絲絲袂有痕
五夜英風悲落葉千山秋雨聽啼猿
淒涼架上珊瑚筆惆悵窗前鸚鵡樽
聊寫梅花和月影仗他香魄弔靈魂

陸若松

字長青自號龕山女史海寧人葛惠保室著永庵詩選

俞寶華

曰葛惠保字通周康熙庚戌進士官上猷知縣

署中秋夜和邇周韻

誰憐作客又經秋坐久閒庭夜氣幽
離思空隨青嶂繞歸心

遙寄白雲浮孤城畫角驚殘夢遠浦寒砧送暮愁憶得五湖
明月好莫將塵俗負漁舟

莊淑人

鄂人太常卿元辰女
南瑞總兵周在魚室

華日南曰淑人詩
附見周總戎集中

寄外

遠人渺渺客天涯寂寞園亭冷舊家愁緒何團百結線衰容
鬢點六飛花兒童長大衣衫短門戶伶丁賦稅加賤妾自能
甘齏粥也難無米竟炊沙

丁文鸞

字鳴和長興人涪川令縣女適海鹽
桂陽令沈燮文著有倚雲樓詩稿

華日南曰鳴和性至孝母王氏病篤
封股救之而愈詩亦絕去脂粉氣

渡江

擬指金山一葦航清江白練勢汪洋接天蘆葉連雲白曝背

金鱗映日黃雪浪交橫鯨鯨織帕雲帆並過雁排行江妃唐戲
殊無賴泊處回頭尚渺茫

丁酉九日和韻

時在南皮
尊煒署中

九日登高足勝遊相從眉案邈名流今來古往閒中意紅樹
青山望裏秋如我漫窮千里目請君更上一層樓當年不敢
題糕字畱與詩人作話頭

都中寄懷姚錢兩女兄

榴紅分手各東西五月俄聞鷓鴣啼金殿玉樓連北闕青林
紅樹憶南溪月中桂子誰同賞花底鸚哥強自攜姊妹天涯
寥闊甚幾回腸斷望鄉迷

次韻

紅葉西風霜徑秋黃花籬落動人愁嬌紅且喜亭亭立獨自

空庭晚豔留

次韻晚春

漲水連堤碧籬花滿院香流鶯啼老樹戲蝶過高牆舉目春
將暮驚心日漸長開簾雙燕入猶自補巢忙

春暮雜書二絕句

一年好景清明近已覺春光大半休終日對花無一語惜花
花不爲人留

半簾斜日梨花白捲上銀鈎雪有香乳鴨池塘微步處綠萍
茵褥睡鴛鴦

聞家嚴卒于涪川悲痛無極漫成哀詞

護惜掌珠失恃兒相隨官閣共歡悲乙未遭先慈之變深閨
禮節勞嚴訓插架篇章作女師許字頓教離膝下歸寧每戲

預門楣長安兩度春冬侍父往口外來回俱由京中女時在都兩侍膝下誰料今爲

永訣期

芙蓉館示兒輩

蓉桂秋香滿院清東籬黃菊欲舒英此閒亦等城南墅莫墮

南宮祖父名

湯

朝

字蕉雲號椒盈長興沈元咎室著椒雲詩稿

陳傳經曰蕉雲詩與无咎合刻者號笙磬同音其咏鳳仙詩吳玉樞云意婉情深自况甚高吳晉陶云工麗不露纖巧咏物能手故遂以此得名

鳳仙

寄跡蒼苔曲徑邊芳非已過豔陽天丹山有侶難生翼蓬島無名也號仙籬菊晚香交甚淡海棠秋月笑爭妍若教飛上秦娥指別有清音泛夜絃

七夕

織盡雲綃月一梭
鵲橋橫處步凌波
天孫莫怨銀河濶
不似人間風浪多

倪仁吉

義烏人

王阮亭曰仁吉善寫山水尤工篇什先考功曾得其全集

題宮意圖

調入蒼梧班竹枝
瀟湘渺渺水雲思
聽來記得華清夜
疎雨銀缸獨坐時

楊克恭

字德基德清徐志遠室

華日南曰德基女家廣陵但歸于吾浙應入浙選

病餘對雪用蘓公此臺壁韻二首

一陽初轉力猶纖
滕六司權令肅嚴
松偃正窺披覽客
竹欹

渾灑引車鹽小鬟忍凍獻華白凍雀愁饑絮盡檐無奈畏寒
長袖手焚香暫露指雙尖

鏡裏新更兩鬢鴉漫嗟歲月轉輪車如何示寂維摩室又見
飄空天女花剡曲興聞應返棹灞橋吟苦未歸家阿儂蛩縮
寒如許腹稿吟成手懶叉

楊

芬

字瑞季湖州御史沈
懋華繼室有瑞華集

華曰南曰宜人母張羽仙兼工詩
畫因得其家學妙淑秀亦工詩

鴛鴦

春暖池塘煙草齊彩毛初浴淨無泥眠沙聊借莎爲褥戲水
還將浪作梯繡上羅衣相對舞織成錦帳一雙樓菱荷香處
深深隱任爾虞羅傍碧溪

題維楊張烈婦傳二首

一朝聲鼓動漁陽破鏡拋殘恨各方玉質自甘投烈焰姓名
好並宋姬芳

由來節義重乾坤留得丹心永不湮其子于灰燼中得大赤心多少衣冠

迎馬首負期何必笑西隣先與隣姬約同死至期姬逃去

葉素娘

臨海人諸生吳樂園室著有寒香錄遺草

華日南曰素娘父珂王館唐峯愛吳藥園才面訂字以女未幾珂玉死里人煽其事謂吳先有所訂百計問阻

素娘守貞不字幾十年賴郡守張公為成其婚于歸未幾而卒

侯嘉縉曰素娘才質於古名媛中當兄事若蘭弟事淑真即書法井井亦在文待詔董尚書間又謂素娘固孝

女其事婦姑又為孝婦非僅以墨汁脂香流播當世也

戚學標曰素娘同時又有素輝閭女史洪氏為陳婦三歲而寡矢志相舟以詩畫自遣曾見其和雪王詩三十

首自稱椒江無名女子有東風不管愁深淺日日開門掃落花及自團圓我自缺傷心怕見月光浮之句惜

全篇皆宋之記又聞其女弟適張氏才名亦與相亞

納涼

樹杪樸輕羅涼生貼貼波避人開玉匣還自掩金訶浴罷風
來細香清夢亦多今宵有微月幽意待如何

中秋次雲華妹來韻

綠雲觴漫訝來遲正憶臨風玉樹姿去約飛瓊諸姊妹琅玕
一曲集瑤地

沈淑孫

湖州人御
史懋華女

春閨

十四
歲作

苔侵幽徑草芊芊寂寞蘭闌晝捲簾燕蹴落花紅片片鶯採
垂柳綠璿璿春深小院遊蜂鬧日煖西窗繡線添閒倚畫樓
凝望眼雲橫遠岫黛痕纖

沈

佩

字飛霞桐鄉人石門吳
起代室有繡餘殘稿

華日南曰飛霞為青壇侍御子婦工詩及琴畫資壻逾期遠爾天逝可哀已

題畫

野水平橋方日暮
山人倚杖來還去
試覓春光在何處
落花茫茫鳥啼樹

柳

沒沒鶯黃細細絲
舞餘時困小腰肢
隋堤春色初連水
灞岸晴光已滿枝
弱絮籠煙鶯語滑
柔條過雨燕穿遲
曉風吹醒三眠未
詎望章臺妬翠眉

王安寧 名失以字行長興人太湖李一心室

華日南曰安寧幼失父母嫁一載而婚僅遺一女安貧守志可尚也

父繡雲受髮

無幾垂肩髮已齊
學梳雲鬢侍親闈
願天憐取孤雛在
裙布

還祈換錦衣

自嘆

兩鬢飛蓬懶畫眉
愁顏脈脈對斜暉
冰心一點無他事
祇願泉扃同穴歸

李

氏

平湖人
潛修女

古狂筆記云
女子許字單氏
子未幾夫亡
李欲歸單守志
父母憐其年少
姑緩之
北服闋
李年二十四作絕命詞
自經乾隆二十七年二月六日也
單氏聞之迎其柩與夫合葬焉

絕命詞

惡耗驚傳最慘人
幽明路隔淚盈巾
幾回欲絕心猶轉
不忍長拋白髮親

今朝決計欲長辭
君在黃泉可得知
只願雙棺同穴葬
幽冥渺渺好相隨

宋

氏

鄞縣人金憲宋儒女仁和陳輔室

詩觀二集氏美而文唱隨歡甚

訣夫

崑山片玉本無瑕女子生來願有家豈料中途妾命薄莫教

兒女着蘆花

齊

氏

天台人諸生重光女監生陳庸藹室

華日南曰氏有斷腸集行世觀哭父一詩知家學矣

哭父

慈幃膝下課工頻轉聽悲聲自憐神生女真無關緩急黃泉

何路贖親身

邵斯貞

字靜嫻餘杭人訓導陸藹思繼室

西湖竹枝詞

錦帶橋邊荷葉香東鄰兒女昨催妝
凌晨棹槳採花去生怕前頭逢玉郎

未到清明土斛肥寺前新坼白薔薇
買得酒來魚正熟月到湖心蕩樂歸

潘楚碧

字湘文仁和人湘山令顧瞿父室

寄門人錢雲儀

雞鳴風雨好相依共惜庭前花影微
一自河橋千里別幾番魂夢暫時歸
春禽着意來書幌夜月懷人到竹扉
惟爾新詩能寄遠開緘不異覩清輝

吳

淑

字仲梅錢塘人守戎吳孔皆女新安注碧園室

酹夫子見懷韻

西風庭院碧梧秋銀漢初斜火欲流
却誦新吟添別恨江南

兩浙輶軒錄補遺

卷十

清受美馮氏

倪氏

古

江北不勝愁

徐宜人

石門人監生董行灝女遵化州知州承勳室

董煥曰宜人詩有意度惜年三十三卒未竟所作

雁字

兼葭白露雨茫茫欲寫離騷第幾章若到衡陽腸易斷迴文

題罷下瀟湘

馮

氏

海鹽人

落花

小園春欲盡歷亂見飛花汝蹟真無賴吾生信有涯相思愁

遠道離恨越年華待挽芳魂任鶯啼過別家

倪

氏

同鄉人石門費勝初繼室著映雪齋吟稿

過羅氏宅

并序

余有女適王溪羅氏未幾婚亡女攜孤雛恒住吾家
其空宅爲余往來桐華溪上所必經之地詩以誌感
幾年玉樹閨幽泉燕子孤飛影自憐忍溯嫁時持踵語願渠
長締白頭緣

空庭無主長莓苔蛛網重門黯不開明月那知人已逝清輝
猶照讀書臺

歲饑有感

五千文字劫餘灰何物充腸細嚼梅未了心情隨分去不堪
境遇通年來解囊敢有分金望走札休因乞米裁正好窮途
留氣節何須一飯受人哀

卓

璨字文瑛仁和人舉人麟異女海

海寧州志璨仁人唐棲里人生而明慧好讀書年十八
歸昌昌本廣東司李殿桂子爲伯之杰後司李殿嶺表

琛以沉宜人門戶獨支請歸所後見四世數棺縱橫敗屋中泣語奕昌急葬焉

新秋坐月

清光斜照碧窗幽夜色堪憐最是秋侍婢尙牽金井水玉盤

涼浸小茶甌

孫文嫻

仁和人以榮女嚴知方室

隨父至玉泉省母墓

歡喜相隨過玉泉松林一拜轉淒然生平纔識西湖面追想

慈顏淚暗懸

賀孺人

慈谿人諸生

華日南曰孺人爲余妻族幼時從其兄某學詩文于歸後有所作詩之妻中不輕示人中適同祿散失殆盡二詩乃鄭徵君動郵寄者

省墓口占

寒食思親掃墓來松楸蕭瑟鳥聲哀文章漫計新阡表口澤
依然舊酒杯泣奠重披春草綠傷心屢見杜鵑開光陰易過
邱成古分付孫曾世世培

薄暮候濤山卽景

日落蒼山山色青潮回大海海波平山氣海氣漸昏黑一輪
又向半空橫何處火雲燒千里東船西舫夜燃燈轉篷倒逐
飛波捲赤岸紅沙澈底清珊瑚生魄鐵網敷榮驪龍吐氣頷
下懸星吁嗟乎竹洲瑤島桃花津古來曾有幾人行如何獨
坐仙巖扃三山飄渺開雲屏

查安人

編修許煒室直
太史慎行孫女

俞寶華曰安人詩
時見學稼軒集中

酬外見寄次元韻

聞說公儀兩却魚清風儼續四知餘直看一介同金穴始信
千鍾棄土苴小草未知鴻有志故鄉不柰雁飛書還思天畔
馳驅日白髮慈堂正倚闥

朱如玉

字又寒七和人諸生
魯宗鎬室著簡香集

汪由敦魯孝婦傳畧孝婦歸宗鎬後有以事屬宗鎬關
說者婦勸弗與其舅聞之曰兒婦可稱閭內嚴師矣

懷妹

是愁是病兩踟躕知爾懨懨悶不舒同在一方爲姊妹恍如
千里隔音書人生榮寵皆成幻女子才華更是虛須識三生
緣早定小樓休要日欷歔

董琴

字暉蕙烏程人副貢生亮女
諸生蔡雲室著靜吟集三卷

華日南曰暉蕙夫婦皆能詩夫中年歿絕不復作越六
年亦卒所著無聞閣綺靡氣習見董調夫詩萃中者尤
老

秋夜偶作寄呈兩大人兼請過茗

獨坐夜將分疎櫺花影上寂寂人盡眠但聞蟲語響愁人正
難寐詎無故園想去歲當此時歸寧遇秋爽盆菊頗芳香舫
軒更清朗膽餅插蔥蘭日夕供幽賞繞膝祈離情詩義細求
講骨月皆畢集空庭詎能廣此中猶未足叔母姑蘓往更深
上高樓樓虛但月晃對此一悽然憑夢遙相訪今年秋漸老
寸衷長如擣半載未安眠櫺沐隨遲早開卷日漸昏對鏡顏
逾槁遙知父母心念我鬱懷抱書緘露深情醫方廢參考因
肅足疾家嚴屢寄醫方愧乏甘旨供反累憂心稍無計慰椿
并論治法多至數千言萱數行聊草草寄語暫舒眉壻病應將好小園蔬蕒植高閣
榻預掃探梅既有期扁舟破蘋藻

幽居雜興

經年無過客庭畔草如茵
翠鶴成交友烟霞作主賓
典衣收古盞留米給貧人不解紅塵事幽居養性真

新修前樓落成詩以誌喜

高樓新葺後依舊自清閒
簷淺因留月牆低爲看山
鐘聲暮雲外樹影夜窗間
最喜書連屋長吟得掩關

陸

全

平湖人諸生王坦室著有松石居詩

華曰南曰松石青年寡鵠繼體早天陳撫州卽題其吟卷云誰寫千秋幼婦詞可憐字字斷腸詩何當翻作孤鴻操彈盡淒涼寡女絲松石及後平湖雨修邑乘所登節孝傳三百餘人而松石不與焉湖上一首乃上塚有感而作

湖上

紛紜桃李鬪芳妍
湖上春晴劇可憐
孤塚不知誰是主
空留野草色娟娟

吳

氏

字青霞海鹽人處上沈三錫室有青霞寄學吟惜陰樓剩稿等集

華日南曰青霞爲中丞麟瑞元孫女家學自殊

細草

繞砌纖纖碧綠牆密密滋試看霜雪裏不減歲寒姿

吳宮詞

承恩暫喜奉君歡金屋琅玕六月寒日夕新聲將案拍紅菱

先薦水晶盤

許學蘊

字玉樓錢唐人安定知縣應際盛室有珏樓吟藁

華日南曰大令官秦中時封公惠來年近八旬難奉遠行留夫人侍養恪盡婦職

得川中家信

連接天涯字深知遠客情官閒街鼓靜民樸訟庭清薄祿娛
堂上安居荷聖明靜觀消息理簷鵲肯虛鳴

兩河車馬金不陳德黃珮

顧瑤華字曉芬錢唐人福建知縣袁樹榮母有自怡草

春日寄四妹

花逐東風發柴門柳半垂
烏啼春氣早人病曉妝遲
感物悲身世驚時悵別離
何年重聚會三復鵲鴿詩

陳德字如璋海寧人慈谿鄭文園室

鄭動曰如璋爲余族祖母工詩遺僑居武林家遺火遺集盡失

題簡香族孫雲湖觀梅圖

衆芳彫盡此偏榮
玉立亭亭澈眼清
好倩春風催結子
老人

拭目看和羹

黃珮字永芳錢唐陳寶維室

王卓曰永芳精尺素工書小楷有骨力

重陽寄懷寶維

重陽自是最良辰滿徑黃花欲醉人
懶向籬前還獨坐把杯時復憶陳遵

孫又青

餘杭人

咏月梅

梅花一夜發高樓烟色微茫素月流
何事姮娥慵折桂偏尋春色到羅浮

朱衣珍

字也點平湖諸生陸夢求室著有樹護小草

徐焦飛曰外姑隨夫高蹈居東湖之銀杏村設鄉塾爲童子師與亡妻素心閉門倡和三句九食樂而忘貧庚戌元日賦詩得明月清風常作伴蒼松翠竹自成家之句笑曰此鬼語也是年果歿

村居寄懷

寂歷荒村晝掩扉柳條如線覆魚磯
閒搜畫篋蒲盧長手捲珠簾燕子歸
棠棣有懷傳尺素棘薪無計報春暉
盈盈一水

愁難越悵望東城淚溼衣

冬望

孤村茅屋小於舟
蘆荻花稀水不流
彌望寒雲天欲雪
雁聲歷亂下汀洲

孫蘊雪

字貞白嘉善人平湖諸生
郭又槐室著有紅餘集

燕

堂前燕剩尾
毵毵王謝亡來事
不堪九十日春風
又雨落花飛絮到江南

聯翩瘦影入迴塘
南國春來處處忙
日暮東風簾未捲
一雙無語立斜陽

裘容貞

字貞吉錢塘人張輿
孫室有函貞閣詩鈔

積雨

積雨春深後蛙聲鬧綠溪烹泉聊試茗看燕自啣泥破壁添
苔蘚荒園長蒺藜思親情愈篤忘却素琴攜

陸

氏

太平人李與珂室

偶作

舉目天邊月自新清虛宮闕淨無塵不勞將此娟娟色來照
霜閨孤另人

沈

金

字竹梅平湖人諸生邵松室著有山青堂集

徐熊飛曰竹梅爲沈子卞女幼工吟咏潘令尼稱其溫厚和平綽有風人雅致二女皆能詩附見山青堂集

咏燕

雙雙却爲補巢來貼地爭飛翠尾開曾向畫簾深處坐呢喃
如訴別離哀

替弟婦施瑞芝

憶其村莊結比鄰無端別後數經春
蓬門多少傷心事羞澀
空牋寄故人

感舊

靜聽更聲初夜深
新愁未減舊愁侵
細將往事燈前數
吟到傷心淚滿襟

回文

川際水橫雲漠漠
嶺盤松舞草芊芊
鮮花滿徑飄香遠
浴罷輕鷗立檻前

柴

源

字瀚如錢塘人別駕孫字奇室封宜人著雪堂詩稿

吳灝曰宜人於柴靜儀夫人稱祖姑夙有家學甲辰以手選試吏迺養至滇譚中丞欽其詩學延爲女師并序其詩集刻之

紫薇花

官樣花于官署宜半年相對賞奇姿

楊誠齋句紫薇長放半年花

薄膚褪

盡惟存骨老幹凌空不見枝紫綬碧雲看處好香匙茗椀坐
來遲台垣占得滇南景勝向黃昏伴草詞

孫淡英

字菊人嘉善人長山知縣孫衍女

卜居東陸港

漫言日暖擬遷喬性癖由來慣寂寥秋雨蛩吟修竹逕春風
鶯語綠楊橋鹿車共挽心偏遠鴻案聯吟興自饒莫訝清箋
無便瓦隔牆早已種芭蕉

余蘭素

字晚香會稽人

汪氏雙節詩

從一兵庸德時窮節亦奇不知斑竹淚何似小星詩

白鶴雙童路松楸匪故塋里人傳負土猶迷雨媚名

再折前年象背遺

卷十

孫淡英

余蘭素袁村

三

哀

杼

杭州人通江韓永思有樓居小阜

春日偶成

碧紗窗外日初紅
看女梳頭畫閣中
稚齒已能移曉鏡
疎簾不怯坐斜風
階消臘雪尋春蕊
天捲寒雲送去鴻
底事西隣有蕭寺
一聲鐘到小樓東

金

氏

烏程人董三鳳室著綠窓間咏

華日南曰氏娶居年未四十持門戶撫三孤不愧懷清詩亦雅

哭外

鴻案相依二十秋
每懷風木淚常流
懔懔夢斷魂難返
素絰團寬恨不休
家乘未終乖宿願
丁卯秋倡修族譜未與弟甫就忽仙遊
丁卯喪遽北歸橋爲合鎮津梁所係
龍蛇自是文人厄
忍聽空閨詠
相舟

閱遺書有感

檢點遺編訓弱孤
筆花畱跡未全枯
從今地下修文去
遙望書堂得句無

雨中楊柳

輕風剪剪雨絲絲
無限縈情是柳枝
小閣捲簾春睡起
市橋一望總迷離

袁

榮字雲扶號秋鄉杭州汪孟翔室有讀餘吟藁盈書閣遺藁

春閨雜咏

佳節清明又一年
梨花深院斷腸天
東風微雨添惆悵
捲起湘簾聽杜鵑

數椽幽屋絕塵囂
無數庭花手自澆
也有不平閨閣事
海棠牕下讀離騷

袁

杰

仁和人翰林校從妹

奉和簡齋大兄見貽原韻

地隔鄉關夢解通忽來詩訊自南中
宜遊結宅隣江令歸隱
名墩屬謝公舊約未忘聯舍月新吟
頻憶對牀風只應晚歲
相依樂剽許追陪玉局翁

徐葉昭

字克莊烏程人諸賢教諭繩甲女海寧諸生許堯谷室著職思齋文稿

俞賓華曰孺人為余婦之伯母億乾隆戊戌余行反馬禮出詩稿示余置袖中酒闌索之已作神物化去孺人頗以為憾載其事于職思齋文集今從友人處惠寄副本亟為錄入以慰孺人云

夜坐

草閣寒燈雨孤村老樹秋不眠知夜久
獨坐嘆生浮四壁蟲
何急空階螢亂流那堪鴻雁起嘹唳過汀洲

除夕

今夕是何夕椒花已媚天漫驚添白髮且喜慶新年門貼宜春字兒催壓歲錢一尊開笑口長幼樂陶然

咏梅

嶺頭芳樹開何早占斷春光到古原一夜山中皆雪意幾枝竹外是烟痕西溪清淺初籬落東閣黃昏月在門報答主人肌骨瘦深冬莫遣雀聲喧

俞韜玉

字隱倩海寧人錢塘徐吳昇繼室著鹿門草

梅花畫幃

羅幃一幅寫寒芳掩映輕紈韻更長樹隔曉烟還有色花當夜飲若聞香清姿倩伴幽人夢瘦影橫陳高士牀好是午餘猶兀坐瓊枝不惹蝶蜂忙

查淑順

海鹽人諸生馮桂生室著攬秀軒藁

華日南曰淑順割股療父以孝聞

夢後哭父

饑鼠窺燈滅復明綺窗月冷夜三更分明獨坐拈針線猶聽

爹娘喚女聲

孫廷楷 字芸軒錢塘人江山訓導孫元潑女貢生俞鉅室著有詩雲閣詩草

朱彭曰閨秀孫廷楷與妹廷鳳克承庭訓俱枕風雅惜月夜看梅詩有春寒花淡泊夢破月孤清之句為余所賞後歸俞赤浦不數載病歿年僅二十五妹廷鳳續姻閨中唱和甚相得也未幾赤浦早逝廷鳳守節事姑撫子又以勞瘁亡蘭摧玉折咸院借焉

月夜詠梅

獨坐暗香生疎枝牕外橫春寒花淡泊夢破月孤清淺酌情殊適微吟句未成忽聽風竹亂問夜已深更

桃花紙

弱質已同蛛網輕中書窻上得佳名而今細檢桃花紙比較
桃花太薄情

沈

貞

字九如一字雲華海鹽人諸生馮功遂室

蘆汀覆雪

海郭寒凝正朔風
煤花吹遍荻花叢
夜深無月明如晝
添得漁燈一點紅

孫廷鳳

延楷妹貢生俞鉅繼室著貞松閣詩

思父

遙憶椿庭天一方
晚來寂寞倚迴廊
淒風易入愁人耳
苦雨偏侵陋室牆
雞肋功名原有定
羊腸世路已親嘗
還憐旅館蕭條夜
月落燈昏憶故鄉

金

氏

烏程人 中書秉樸女 監生董紹宗室著蘭玉軒稿一卷

兩浙輶軒錄補遺

卷十

沈貞

孫廷鳳

金氏

金氏

金氏

金氏

金氏

金氏

金氏

金氏

金氏

金氏

悲秋

倦向妝前整瘦容
欄干倚遍恨無窮
黃花總是愁中老
楓葉都應淚染紅
入戶小蟲驚冷露
歸巢孤燕怯秋風
幾回欲把寒衣整
未舉金針意已慵

梅花

寒香寂寂繞幽窗
肯並羣芳鬪艷妝
春雨春風渾不受
願隨冰雪共爭光

徐

瑩

字素輝號漱庵海寧人有過翠軒小鈔

擬宮詞

珠箔銀鈎夕照時
珊珊玉佩響丹墀
蔣花小摘纖纖手
閑倚雕闌聽子規

程

芬

石門人烏程諸生施重芬室著吐鳳軒稿

華日南日芬二十而寡
居母家守志以苦節著

孤鴈

關山經歷遍孤鴈獨呼更念爾常無伴思羣只苦鳴深宵江
月白長路曉霜清寄語閨中婦嗷嗷聽此聲

周志蕙

字解蘇錢塘人
諸生陳仲衡室

柳

歲歲逢春春可憐爭禁三起又三眠絲絲愁緒隨風亂濯濯
丰姿著雨妍古渡欲牽遊子棹離亭畱贈旅人鞭一聲長笛
河橋晚回首蒼茫幾樹烟

顏芳在

字柔仙桐鄉人湖州
周某室著偶葉章

送春

豈料春歸迅臨岐乍別離綠酣鶯語澁紅瘦蝶魂痴冷淡無

情緒淒清斷尅期欠伸方欲卧風雨暗燈時

顏宛在

芳在苑
桐鄉人

遺稿二絕句

秋入重門夜似年
麝蘭香燼不成眠
梧窓坐聽瀟瀟雨
挑盡殘燈獨黯然

黛痕消減兩眉峰
強起臨妝意已慵
對鏡自疑非故我
可能描取舊時容

茅紉蘭

字秋佩烏程人訓導茅應奎
女長興李志廣室著綠窻集

華日南曰秋佩妹縵蕙
亦能詩惜早卒失傳

燕至

越燕雙雙疊畫梁
和風庭院日初長
深閨莫羨簾前舞
秋去春來易斷腸

哭楊氏姊

連枝身後更伶仃
遺得孤雛止二齡
何日成人知憶母
依稀可記舊儀形

夏日憶家大人

楚起迢遙江路長
繡牀底事細思量
薰風盡日吹蓮葉
蘭芷還應繞膝香

戲染指甲

玉露盈滋金鳳涵
晚來頻摘付香奩
停針漫搗銀缸下
試取猩紅染指尖

遊春詞

湖上桃花三十里
城南新到七香車
弓鞋窄步披簾出
不斷春風屬內家

暮春苦雨

柳絮隨風竟日閒
陂塘春雨浸濃烟
蘇堤一片空濛色
較比桃花更可憐

沈

蘭

字蘊貞嘉興人著詩餘道華雪齋詩餘

和芳姊遷居韻

心不沾塵俗何妨
塵市棲鳥鳴春樹
裏花落小橋西
文采超今古
風光借品題於斯
堪寄隱奚更羨林溪

釣鼈磯觀水

此是釣鼈磯
鼈隱無從釣
悵望水瀾漫
坐久餘清照

沈文媛

平湖人諸生潘宗敬室

徐熊飛曰文媛為竹梅姪父符禺母施瑞芝皆工詩夫貧復多病資文媛紡織度日事姑以孝聞

咏鵬

水村贏得鳥羣看緩步分行上小灘不用主人門外喚自呼
名字自歸閑

查

萊

海寧人戊申舉人許申璵室

和竹濤杏花韻

不爭春色幾分添怪道幽閨日下簾多事午橋消息至春愁
提起上眉尖

汪汝蘭

字聽月海寧許申璵繼室

春日咏懷次潤民從弟韻

病餘機杼事蹉跎花樣時翻怕擲梭矮屋簷低巢燕少疎窗
紙破受風多愁城檢點平生業書蠹經營分外魔試問韶光
畱幾許斷垣新綠上藤蘿

邵文媛

平湖人松長女

咏梅

聊將寒玉賽花王
每向東風壓衆芳
堪笑不爭穠豔處
偏從憔悴發清香

邵英媛

平湖人
松次女

燕

遠離海嶠越重關
經過千秋林與萬山
只爲補巢芳信早
不辭勞苦社前還

張氏

桐鄉人
烏程生員沈思美室
著續餘雜詠

乙巳立夏日與外

良時令節休離別
一室團圓好把樽
春色欲歸君又去
東風小雨怨花魂

花落無聲盡掩門
瀟瀟微雨怕黃昏
東風肯把春畱住
對榻

銜盃好細論

春日舟中

鶯聲啼過畫橋西
女伴相邀泛雪溪
隔岸人家臨水住
竹籬門亞杏花低

雪

懶整烏絲愛擁爐
霏霏密雪下平蕪
詫他屋角穿偏透
試覓山尖淡欲無
着意鳴機謀卒歲
驚心索句怕催租
庭堆碎玉終何用
卻認楊花糝徑鋪

徐

錦嘉興人諸生朱辰應室有紅餘小草

朱辰應行略妻徐年二十一歸余會余女弟將嫁大母
卽世又盡脫簪珥以供喪費既館于外家惟一被褥以
去至冬妻擁敗絮有覆無薦每日之夕篝燈操作漏三
鼓瓶火燭滅兩齒相搏矻矻有聲則繞室環走合暖氣
自內出卽又操作如故既解衣兒女體若冰結哺以乳
輒惡嘔以故兒女都不能長養而妻亦以此彌年疾疾

詞譜卷一百一十五
繫其身悲
夫悲夫

野步

野塘風嫋嫋
青草亂羅裙
緩步依春色
微吟向夕曛
岸花無意落
沙鳥自成羣
回首兄和弟
迢迢隔暮雲

送春

芳徑殘英掃地空
風車雨馬太怱怱
年年愁病當三月
柳絮梨花一夢中

日長深院繡簾閒
忍見殘紅滿地斑
蝶板鶯簧畱不住
盡攔咫尺是陽關

李如秀

字小蘇
錢塘人
徐吳
昇側室
著芳菲草

春雨

原野青如積
園林翠欲垂
桃夭含密蕊
柳嫩壓柔枝
宿霧晨

偏合浮雲晚不移山光終變態芳草轉迷離

黃

峻仁和人諸生煒女以宿業得疾自求出家落髮而卒

宮詞

長信宮中侍宴來玉顏偏映夜光杯銀箏彈罷霓裳曲又報西宮侍女催

金

蓉字聚英仁和人御史錢栻室有小荷詩屋吟藁

喜得過寧羗州家書

時序平分候生憎薄暮天襟期託豪素詩思起觥船葉脫驚霜早蛩吟入夜偏弦桐譜秋月清韻亦琅然

聞蛩

機杼何曾理多勞報早寒鄉心千里外夜雨一燈殘著意催吟髩畱情倚曲闌秋風滿庭樹簌簌葉聲乾

同濟車車金不與... 一王範

李 芷 號蓉湖女史仁和

李方湛曰妹幼能詩與三妹皆閨中相倡和年二十八歲未字而卒後檢其遺篋得五七言小詩一冊計百餘首惜乎天斯以年所造止此也

秋日病起作

柴門深閉日西斜寂寂空閨靜不譁病起却逢秋正好捲簾籬下看黃花

初夏 效韞韞體

柳蔭池塘靜人間景寂寥綠濃鶯語澀紅瘦蝶魂消微雨春初去薰風夏又交倚闌天欲暮新月挂林梢

王 範 字幼嫻桐鄉人諸生李鑑阜室著有蕉雨樓吟卷

病起

阿難咒罷淨軍持病起春風倦不支繡閣湘簾垂十二落花

如雨雨如絲

樓頭屈戌晝常扃惆悵朝來倚翠櫺茶飯粥魚心自在碧闌干裏寫黃庭

金氏

吳江人桐鄉副貢生施會錫室

桐鄉縣志金氏年二十九夫亡子福元方七齡絕粒數日欲以身殉姑諭撫孤而止長登賢書守節三十二年乾隆丁酉題旌

病中寄外

晴鶯恰恰柳疎疎小閣涼生午夢初多事日長添病課一窗花影校醫書

吳氏

海寧人監生陳其道妻

送子夢蘭之處州

老病不勝酒何堪送別杯吾衰今日甚汝去幾時回人共秋

雨湖車馬不聞聲
卷十
三
帆遠心隨落葉摧
明年春草綠
莫待杜鵑催

雨浙輶軒錄補遺卷十終